

二人之外及大學典藥諸生不經課試者不得輒任之唯苦住學舍頗堪採用者雖非得試間以舉補勿令遂作空歸之恨又鴻儒名醫子孫去親不遠尋實無疑之輩假令不得傳習祖業特修舉狀奏補權任然則教授療治之職無有非業碩德名士之後猶賴餘慶

寬平七年二月一日

〔延喜式十部〕凡諸道學生才學頗長其道博士共舉爲諸國博士醫師者雖非奉試及第皆爲受業自餘爲非業

〔續日本紀三十五〕寶龜十年閏五月丙申太政官奏曰謹檢令條國無大小每國置史生三人博士醫師各一人略中其博士醫師兼國者學生勞於齋糧病人困於救療望請每國各置一人並以六考遷替自今以後立爲恒式謹錄奏聞伏聽天裁者奏可之

〔類聚三代格五〕太政官符

應鎮守府醫師秩六年爲限事

右先例以五年爲限今被右大臣宣稱奉勅宜改彼例六年爲限

貞觀八年十二月五日

〔三代實錄十八〕貞觀十二年十二月廿五日壬寅諸國非授業博士醫師以四年爲秩限但出羽及太宰管內諸國五年爲限略中又諸國博士醫師受業師料割所請公廨十分一送納本寮

〔延喜式十八部〕凡諸國非業博士醫師以四年爲秩限但出羽太宰管內諸國五年爲限

〔延喜式十一部〕凡諸國受業博士醫師補任解文并籤符名下註各本業

〔延喜式十八部〕凡諸國博士醫師補任解文并補任帳姓名之下受業者註各本業

〔延喜式十一部〕凡諸國權史生博士醫師遷任并依讓相代之輩其籤符註所遺歷略中

凡諸國史生博士醫師籤符外記勘會補任帳明知其補由然後請印